

KREMTIET

ΤΟ ΓΕΝΕΘΛΙΟΝ ΤΩ ΘΩ



8 TË SHTATORIT

Të Lerit e Zonjës e Shë' Mëri

Ant. I

Kujtò, o i Madh'in'Zot, Davidhin e gjithë butësin e' Tij.

Për parkalesitë.... Lëvdi...nani...

Ant. II

Bëri bè in'Zot Davidhit mbi të vërtetën, e do të mbanjë ben e'Tij.

Shpëtona, o i Biri i Perëndis, i famasëshëm ndër shejtrat, neve që të këndojëm. Aliluia.

Lëvdi... nani...o i vetëmi Bir e

Ant. III

Këtù do të jes se më ka pëlqier vendi.

Apol.

Të Lerit t'atë, o Mëma e Perëndis, gëzim përhapì në tërë jetën; se ngak Ti shkrepì Dielli i drejtësis, Krishti Perëndia jinë; e tue sglidhur nëmën dha bekimin, e tue prishur vdekjen, na dhuroi gjellën e pasosme.

Kont.

Me të Lerit t'atë, o e Papërlieme, u liruan Jakini e Ana nga turpi i shtërpëris e Adhami e Eva nga prishëria e morties. Populli jìt e kremton se kle liruar nga ftesa e mëkatëvet. E shterpa lint Mëmën e Perëndis e Atë që ushkjen gjellën t'ënë.

Megalinarion

E pamëndëshme Virgjëria e mëmavet dhe e pandëlguashme Mëmëria e virgjëreshave! Tek Ti, o Mëmë e Perëndis, të dia u ndodhënë. Andai na, gjithë jinit e jetës, pa u lodhurë Të lumërojëm!

Kjinonikon

Kjelkjin e shëndeties u dua të marrë, dhe embërin e t'in'Zoti u dua të thërres. Alliluja.

Opistavon

O Zoti Krisht, Perëndia jinë që sheh gjithëkjish e gjithëkjish mëndë, Bëres i fukjishëm, Perëndi i famasësh, i Zot i burimevet të mirash, Liruesi i të dëshpëruamëvet e i të mjerëvet, Zëmëgjërë me atë që të 'ftojën dishirimet, Ti që Shërbëtorëvet t'atë Jakini e Anna, që kishën rruar bashkë të pakjertuashmë, helmin e shterpëris ja ndërrove në harën e bijëris tue i dhënë më të bukurën pemë e gjirit, që gojët e profetravet mistikjisht kishën paralajmuar se ki 'të lulëzoj nga rrenja e Jeseut, pemë nga e çila ki'të lehej Lulia që ki't'mbloj jetën me të mirën erë, o fillim e mbarim i gjithë të miravet, Ti, nani, që je kroi i gjithë të miravet, burimi i dritës e dhënës i pasur, na dhe këta të ler për Dhuratën e Shpëtimit të të gjithëve.

Neve që muarëm pjesë te shërbesa shejte e Misterëvet të hjynushmë t'atë, na ruaj nga shterpëria e të bëmavet të mira e na bëj të mirë të bëjëm pemë virtutësh sa të hijëm te piesa e trazhgimit i të Drejtëvet te Rregjëria jote.

Bekò popullin t'ënt e ruaj trazhgimin t'ënt e mbroje nga çedò sulm i armikjëvet e nga çedò e ligë.

Shtë lëvdin e popullit i krështer e lartësoi fukjin e
mbushe me të mira të kjiellit e të dheut, se Ti je kroi i
gjithë të miravet, paj të parkalesivet e të shejtes Mëmë
t'ënde e Zonjës t'ënë, e të Shejtravet me të çilët na të
faliëm këtë lëvdì e të përmisurit t'anë Tij, bashkë me
Atin e me Shpirtin, që jep gjellë, nani e për gjithëmonë
e për jetë të jetëvet. Amin.

Ἡ ὕψωσις τῆς Τιμῆς αὐτοῦ



14 TË SHTATORIT

Lartësimi i Krjkies

Ant. I

O Perëndi, Perëndia jim, gjegjëme, përçë më le?

Për parkalesitë të Mëmës t'ënde, o i Madh'in'Zot, shpëtona.

Lëvdi...nani...Për parkalesitë....

Ant. II

Përçë, o Perëndi, na ke mbajtur llargu Teje për gjithëmonë? Përçë dhizet mbëria jote mbi delet Të ushkjimit t'ënt?

Shpëtona, o i Biri i Perëdis, o Ti cë në kurm kleve vunë ngrikjë, neve çë të këndojëm Allilùia.

Lëvdi... nani...o i vetëmi Bir e

Ant. III

In 'Zot rregjiëròn, le të zëmbëronen popujit; Ai rri ujur mbi Hjeruvimtë, le të shkundet dheu!

Apol.

Shpëtò, o Zot, popullin t'ënt e bekò trazhgimin t'ënt; jipi Kjiveritarëvet mundie mbi armikjët, e paj Krikjes t'ënde ruaj Ti të krështerët t'atë.

Isodikon

Lartësoni t'ën'Zonë Perëndin t'ënë, e përmisij

nënkëmbies e këmbëvet të Tij, se Ai isht shejt.
Shpëtona, o i Biri i Perëndis...

Kont.

O i Lartësuar në Krikjie tue dashur, rregjërìs së ré që
ka embrin t'ënt lipisìt t'ote dhuroi Ti, o Krisht Perëndi,
dëfré me fukjìn t' ènde kjiuerritarët t'anë tue dhënë
atireve mundie kundra armikjëvet. Paçin atà ndihmën
t'ènde, si armë pakjie, trofè të pa-mundëshëm.

Trisajon

Krikjen t'ènde proskjinisiëm, o i madh'in'Zot, e
Ngjallien t'ènde të shejte lëvdojëm. (Tri herë)

O

Krikjen t'ènde proskjinisiëm, o i madh'in'Zot, e
Lartësimin shejt lëvdojëm. (Tri herë)

Megalinarion

Ti, o Mëme e t'in'Zoti, je Parraisi mistikë, që pa klënë
shërbier, na dha Krishtin paj të çilit kle vunë në dhe
Druri i Krikjies që jep gjellë; andai nanì me lartësimin
tue prokjinisur Atë, madhërojëm Tij.

Kjinonikon

U dëftua mbi ne drita e fakjes s'ate, o i madh' in' Zot.
Allilùia.

Opistavon

O Madh'in'Zot, më i lart se qëdo lartësi, Ti deshe të
duroje të ishe lartësuar me kurmin mbi Krikjën sa me
të ndejturit e Krahëvet t'atë të rrnarie gjithënjeri tek
Ti.

TI, Perëndi, i lartësuar në' dhe përpara gjithë popujit
si krahu i lart i të lartit At e i lëvduar me flijë lëvdimi,
paj të lartësurit e të shtrejtës Krikje s'ate lirove
naturën t' ènë që u kishë përururë njera në Pisë, e

lirove nga krenia e diejvet e i dhe mundien mbi mortien e shpale lirimin e 'saj nga nëma e parë.

Mos përbuzë nanì, o i Madh'in'Zot, parkalesitë t'ona me të çilat të kemi lipur e po të lipiëm lipisin t'ënde.

Si i dhëmbëshëm kij lipisi për ne që nderojëm të sbluarit e të përmisurit e Krikjes shejte. Kloft Ajò për ne ndihmë e fortë kuntra sulmëvet të drangonjëvet shpirtullorë që na duanë shpirtin.

Me Krikjen ëna neve shëndetën si ja dhe të bijëvet e Israelit që kishën klënë zënë nga ajet e gjalpërvet si të vërrejënë gjalpërin bronzi që Moiseu kishë ngrëjtur mbi shkopin.

Laj qëdo mëkatë që do t'ngrehet kuntra neve e ngre shtuara gjithë atà ndër nesh që kemi rarë te mëkata.


E Kjiveritarëvet që mburren mbi Krikjen t'ënde ujë posht qëdò kriengritje e të huajvet e drëmò qëdò krah të armikjëvet e qëdò lartësim të tiranëvet shuaje. E si kle mundur Ameliku me shengun e Krikjes te të ndejturit e krahevet të Moiseut, keshtù shprishë qëdò fukjì që ngrëhet kundra Klishës e qëdò të ngrëhet kundra të njohurit Tij.

Mbill qëdò gojë që mahkon kundra teje. Ndrinë qëdò zëmbër që ka klënë erresuarë nga padituria. Llargar nga mendia jonë qëdò mendime që na ndajën ngah Ti, sa na tue pasur mendien t'ënë të ngrëjturë nga mendime kjielli që të lumërojën, të arrëjëm tek e përheshmia, e pasosmia dhe e vërteta ngrëhie që i nget atireve që kuloturë gjithëmonë ngah Ti, do të

trazhgojën edhë Rregjërën t'ënde.

Përcë Ti je Ai çë uj edhë ngrën e na të japiëm lëvdi Tij:
Atit, Birit e Shpirtit Shejt, nani e përgjithëmonë e për
jetë të jetëvet. Amin.

ΤΑ ΕΙΣΟΔΙΑ ΤΕ ΘΚΥ



21 TË NËNDORIT

Te hijturit e Shën Mëris në faltore

Ant. I

I mathë isht in'Zot e i levduashëm shumë te kjiteti i
Perëndis t'ënë, te mali i shejt t'Tij.

Për parkalesit...Levdi past...

Ant. II

Shejtëroi tendën e 'Tij i Larti.

Shpëtona, o i Biri...

Ant. III

Përpara fakjes s'ate ka t'ujën kriet të kjosmit e popullit.

Apol.

Sot na parathuhet pëlqjimi i t'in'Zoti e na paraleçitet
shpëtimi i njerëzëvet. Te faltorëja e t'in'Zoti Virgjëresha
na 'ftonet e gjithëve na paralajmëròn Krishtin. Asaj me
zë të mathë t'i thomi na: Gëzou Ti, i kujdesit i Stisorit
mbarimi.

Kont.

Më e pastruara Faltore e Shelbuesit, shumë e
shtrejta Nusërore e Vigjërëshë, shejti thesari i lëvdis
s' Perëndis sot isht kallur në' shpi të t'in'Zoti tue
bashkë këllitur Hirin e Shpirtit të Hjynushëm: Atë që
perimòjëm ëngjëjitë e Perëndis. Këjò isht tenda e
kjiellshme!

Megalinarion

Madhëro, o Shpirti jim, më të nderoshmen e më të
lëvdoshmen ndër gjithë ushtrit e kjiellit.

Mistër të math u shoh e të humbët; për kjiell shpellën;
për thronë ndër Hjeruvimt Virgjëreshën; grazhdin për
vend teku kle ngulur i Pasosmi Krisht Perëndia; të
Çilin tue kënduar madhërojëm na.

Kjinonikon

Kjelkjin e shëndeties u dua të marre embrin e t'in' Zoti
u dua të thërrës.

Opistavon

Kush ka të rrëfienjë, o i Madh'in' Zot, pushtetin t'ënt?
Kush ka t'bënjë të dsëhen lëvdit e mirësis s'ate për ne?

Përçë, posa deshe të sbëloje misterin çë mōti të
fshehurë e shpëtimit të farës s'njerëzëvet pranë të të
mishëruarit e Birit t'ënt, e posa deshe të mbaroje të
taksurën bërë profitit David, sglodhe të pastrën Mëmë
t'ënde si ndenjë e të dëftuarit t'atë në kurmë e kështu
edhë si njeri njeriun shpëtove e me mishët marrë nga
Ajò vepërove përgjeshien e njerëzis s'tërë.


Sot tue kremtuar të Hijturit e kësaj Mëmie në
Faltore, haristisiëm Tij, o i Madh'in' Zot, Dhënësi i
gjithë të miravet e të parkalesiëm paj t' saj të
shkëlkjenjë fakjia jote mbi ne e të na dëftosh dhromin
tue marrë të çilin na mëndë t'i pëlkjejmë Mirësis s'ate,
të jemi shpëtuar nga sulmet e diejëvet e të jetsiëm
ndaj shpëtimit në për pendesës e kështu me gëzim
shpirti të kremtojmë këtë ditë të shejte.

Se Ti je Perëndi lipsisie e ngushullimi e na të japiëm
lëvdi Tij: Atit, Birit e Shpirtit Shejt, nani e për

gjithëmonë e për jetë të jetëvet.

Pop.: Amin

Shi' lehet Krishti, lëvdonie; shi ' vien nga kjiellia ju t'e
pritëni. Shi' Krishti mbi dhet: ju ngrëhuni.
Zotit po t'i këndonit jeta e gjithë, edhë ndë gëzime, zëni
kënka, popuj, ju se u lavdërua Ai.



20 TË DHIETORIT

Parakremptia e Krisht-Lindjes

Apol.

Përgatitu Vithlem, sbillet gjithëve Edhemi. Stolisu Efrathà, se druri i gjellës te shpella lulëzoi nga Virgjëra. Pse Parrais gjiri i 'Saj u 'ftua shpirtulor tekua pema e hjynushme nga e çila tue ngrënë rrojëm; ngë do të vdesiëm si Adhami. Krisht lehet atë më pare e rare sa të ngjallënjë fitirë.

Kont.

Virgjëresha sot në shpellë vien për lindien e pathënëshme të t'paramotëshmes Fialë. Bën hare, o jeta e gjithë, ashtu si e gjegje; lavdërò bashkë me Ëngjëjit e me delmrët të paramotëshin Perendi, që deshi t'ish par si Dialë i ri.

Η ΤΩ ΧΡΙΣΤΩ

ΓΕΝΝΗΣΙΣ



25 TË DHIETORIT

Të lerit e t'in' Zoti Iisu Krishti

Ant. I

Dua të lëvdonjë, o i Madihi' in'Zot, me gjithë zëmbërën t'ime; dua të rrëfienjë të gjitha famasmët t'ote.

Për parkalesitë... Levdi past...

Ant. II

I lum njeriu që I trëmbet t'in'Zoti, e që ja k'ënda shumë në urdhurimet e 'Tij.

Shpëtona, o i Biri i Perëndis, i ler nga Virgjërësha, neve që të këndojëm allilua.

Levdi past... nani...o i vetëmi Bir e

Ant. III

In'Zot I tha Zotit: uju tek e drejta jime njer që të vë armikjët t'atë nën këmbëvet t'ote.

Apol.

Të lerit t'atë, o Kkrisht Perëndia jinë, jerdhi shkrepri në jetë dritën e dijturis; se për atë adhueruesitë e ijëzëvet nga ill klenë mësuar të adhurojnë Tij si dielli i drejtësis e të të njihien s' larti si lindie, o Zot, levdi Tij.

Isodikon

Nga gjiri jim më para se illi i mënatës U të leva. Bëri bé in'Zot e ngë do të ket pendim: Ti je Prift për gjithëmonë i rradhës' Melkjisëdhëkut.

Kont.

Virgjëresha sot të përmbiklënëshmin lind, e dheu shpellën të paarrënëshmit dhuròn. Engjëjitë me delmerët lavdërojën; Magjnjtë pra bashkë me illin udhëtojnë; se për ne jerdhi e lindi si Dialë i ri i paramotshmi Perëndi.

Trisajon

Oh sa në Krisht u pagzuat, me Krishtin u veshët. Alliluja. (Tri herë)

Megalinarion

Madhërò, o Shpirti jim, më të nderoshmen e më të lëvdoshmen ndër gjithë ushtrit e kjiellit.

Mistër të math u shoh e të humbët; për kjiell shpellën; për thron ndër Hjeruvimt Virgjëreshën; grazhdin për vend tekun kle ngulur i Pasosmi Krisht Perëndia; të Çilin tue kënduar madhërojëm na.

Kjionikon

Shpëtim i dërgoi in'Zot Popullit t'Tij: Alliluja.

Opistavon

O Krisht, Perëndia jinë, çë më para se gjithë jetët te lumëria e të pazënit At shkëlqjeve, e çë te të sprasmet kjëronje nga Virgjëra shejte u bëre njeri e leve ndër ne;

Ti çë për ne u bëre i vapëkë sa na të kjoseshëm me vapkësin t'ënde;

Ti çë si fëmijë kleve pështruar me skutina e kleve ngulur me viershë i pandëlguashëm te një grazhdë;


Ti, o i Madh'in'Zot, çë mbanë gjithësin, prit mirë këtë

të përurime lëvdi e parkalesi t'ona, ashtu si prite mirë lëvdit të Delmerëvet e të përmisurit me dhuretë të Magjinjëvet; e bëna të mirë sa na bashkë' me Ushtrit e Engjënëvet të marriëm pjesë te gëzimi i kjiellëshëm përgatitur për atë që nderojën mirë të' LERIT t' atë të shejt; e jipi urtësi të Parëvet t'anë të besmë, përçë Ti do mirë njeriun e i lëvduar je me të pazënin At e me gjithëshejtin, i mirë e gjellëdhënës Shpirt, nani e për gjithëmonë e për jetë të jetëvet.

Amin.

Apolisis

Ai që leu te një shpellë e kle shtruar te një grazhdë për shëndetën t'ënë, Krishti...



1 TË JANARIT

Rrethpresia e Zotit Krisht

Ant. I

Ngrëni zërin të lëvdoni t' ën'Zonë, o gjithë dheu.

Për parkalesit... Levdi past...

Ant. II

U gëzofshin kjielliat e bëft hare dheu.

Shpëtona, o I Biri i Perëndis, o Ti që te nishët kleve rrethëprer, neve që t'këndojëm alliluia.

Levdi past... nani...o i vetëmi Bir e

Ant. III

Lipisit t'ote, o I madh 'in 'Zot, u dua të këndonjë për gjithëmonë.

Apol.

Fitirë njeriu pa u ndërruar more, Ti që je Perëndi në klënie, o Zot, shumë I lipisiar,e tue mbaruar rrethëprësien deshe të riejë në kurm, sa të shprishe errësirat e të ndsirie pështrimin e pesimevet t'anë. Lëvdi mirësis s'ate, lëvdi lipisis s'ate, lëvdi të parrëfieshmes, o Fialë zëmënjomësis s'ate.

Isodikon

Ejani...Shpëtona o i Biri...Ti që te mishët kleve rrethëprer...

Apol.

Zëri jit dolli te gjithë jeta që priti mire fialën t'ënde: pse si kish hje t'in'Zoti ligjërove dogmët; bëre të ndëlgojën naturën e të klënievet,ndrekje zakonët e njerëzëvet. O Prift i Rrgjit Ati shejt, lutu Krishtit Perëndi të shpëtonjë shpirtrat t'anë.

Kont.

I Zoti i gjithësis duron rrethëpresien e i mirë si ë pret mëkatët e njerëzëvet. Edhë bën harë te më i larti kjiell Ai që isht i Stisorit Jerarhë e Dritar i hjinushëm i hijtur te Misteret e Krishtit, Vasiji.

Megalinarion

Mbi Tij gëzonet, o e Hirplota, jeta e tërë. Mbledhia e ëngjëjvet e jinia e njerëzëvet, o Faltore e shejtëruame, e Parrais i mëndshën, i Virgjërëshavet lëvdim, nga e çila in' Zot mori kurm e u bë Dialë, Ai që isht i paramòtshëmi Perëndia jine. Se brënda Teje vuri thronin e 'Tij e gjirin t'ënt e bëri më të gjerë se kjielliat. Mbi Tij gëzonet, o e Hir-plota, jeta e tërë. Lëvdi Tij!

Dittico

Kjiell folësin è Krishtit, dsënësin e Zotit, illin e ndritshëm, nga Kjesaria e Kapadhøkëvet hora, Vasijin e Mathë të gjithë nderojëm na.

Kjinonikon

Lëvdoni t'ënë Zone ju nga kjielliat, lëvdonie tek më i larti kjiell.

Opistavon

O Krisht, Perëndia jinë, Ti që përet mirë këtë flijim të

papërgjakëshëm e të mendçëm si flijim lëvdimi e latrit të këndëshme nga ata që të thërresiën me gjithë zëmbërë, Ti je kjenkji e i biri i Perëndis që nzier mëkatën e jetës, viçi i pafajshëm që ngë do zigoin e mëkatës e për ne e nglakon me-hir, që bënet pjesë pjesë e ngë ndahet, që hahet e ngë sosë e shejtëron kë i merr pjesë.

Ti për kujtim të pesimevet që 'deshe të duroje e të të ngjallurit të triditëshem gjallësor t'ënt na bëre të mirriëm pjesë te misteret t'atë të pathënëshem: 'n së kjielli e të dreruashëm të Shejtit Kurm t'ënt e të çëmuamit Gjak. Ruaj te të sejtëruarit t'atë neve shërbëtorët'atë, diakërit e të besmit kjiverritarë t'anë e ushtrin të krështere e popullin që këtù ndodhet. Ëna neve në çëdo kjërò e mot të mejëtojëm drejtërin t'ënde sa, të udhëhekjur, të bënemi të mirë të rrimë tek e drejta jote kur të vishë të gjëkoshë të gjallit e të vdekuritë.

Lirò vëllezëritë t'anë që ran te duart e armikjë; prir siun t'ënt mbi ata që jane të sëmure, kjivarris ata që ndodhen në rrëzikje; shpirtrat e të ndëjemëvet që vdikjën me shpresën e gjellës s'pasosme prëji atie tek shkëlqjen drita e fakjes s'ate e gjekj gjithë ata që të lipiën ndihëm.

Pse Ti je dhënësi i të miravet e Tij të japiëm lëvdi me të pazënin At t'ënt e gjithë-shejtin e i mirë Shpirt t'ënt nani e përherë e për jetë të jetëvet. Amin.

Apolisis

Ai që mbi të tetën ditë pranoi të kurmi Rrethpresien për shëndetën t'ënë, Krishti....

Η ΕΣ

ΠΙΣΙΣ



6 TË JANARIT

Theofania e t'in Zoti Iisu Krishtit

Ant. I

Kur Israeli dolli nga Egjipti, të bijët e Jakobit ngë gjegjën më gluhë të huaja.

Për parkalesitë... Lëvdi past...

Ant. II

U dua mire t'ën'Zonë se Ai gjegjet zërin e luties t'ime.

Shpëtona o i Bir'i Perëndis, o Ti që kleve pagzuar nga Jani në Jordhan, neve që të këndojmë. Alleluia.

Lëvdi past... nani...o i vetëmi Bir e

Ant. III

Lartësoni t'ën'Zonë se isht i mirë; se e pasosme isht lipisia e Tij.

Apol.

Në Jordhan, kur pagzuar kleve, o i Madh'in'Zot u deftua lutia e Trinis, se zëri i Prindit të bë martiri Tij, tue Thritur Tij, Biri jim i dashuri, e Shpirti Shejt në fitirë pallumbi fortësoi vërtetësin e fialës. O Krisht që u dëftove Perëndi e që dritën i dhe jetës. Lëvdi Tij.

Isodikon

I bekuar ai që vien në embër të t'in'Zot. Perëndi isht in'Zot, e na u dëftua neve. Shpëtona...

Kont.

U dëftove sot gjithë jetës e drita jote, o Zot, u shenua

mbi ne,çë me ndëlgjim të himnojëm:jerdhe u duke,o
Dritë e pa-arrënëshme.

Oh! sa në Krisht u pagzuat, me Krishtin u veshët. Al-
lilua.

Megalinarion

Madhërò,o shpirti jim,më të nderoshme e më të
lëvdoshmen ndër gjithë ushtrit e kjielliës.

Çëdo gluhë ngë mëndë të të lëvdonjë si të nget; edhe
një mendëje Ëngjëjish sbiret kur do të t'këndonjë, o
Mëma e t'in'Zoti.

Ti,posa je e mirë,pranò besën, psè Ti njeh edhe
dashurin çë in'Zot na dha për Tij. Posa Ti je pështrimi
i të Krështerëvet,na të madhërojëm.

Kjinonikon

Na u dëftua Hiri i Perëndis për shëndetë të gjithë
Njerëzëvet.Allilua.

Opistavon

E pathënëshme isht Dashurìa jote për ne, o i
Madh'in'Zot, Perëndia jinë.

Përçë Ti deshe se i vetëmi-ler Biri jit të mirrëjë kurmë
nga një Grua e pamëkatë e të na glisëjë neve te
gjithekjishë, veç se te mëkata; edhe për ne të ishë
pagëzuar si njeri nga Jani Prodhromi, pa pasur
vëzonjë pastrim, pò sa, tue shejtëruar ujërat, të na
dhurojë Rilindien nga ujët e nga Shpirti; sa na, tue
njohur Tij, At i pazënë fill, i përmisemi Atij, lajmëruar
nga kjiellia si pagëzonet, BIRI jit i dashuri; e të
lëvdojmë të gjithëshejtin Shpirt t'ënt, i sdripur mbi


Atë çë vien dëftuar Pagëzorit, tek i çili na klemë
sfrajisurë e lierë për anë të pagëzimit e bërë piestarë të
Krishtit t'ënt, nga i çili mos na llargò kurr, neve të
mëkatruamë, po për anë të Tij fortësona kundra çëdò
fukjì e kekje; e jipi fukjì të Parëvet t'anë të besmë
kundra çëdò ngarie; e gjithë neve kjillëna te dhromi i
Rregjërìs t'ënde, sa edhè brënda neshë të jetë lëvduar
Embri jit e të të Vetëmit-ler Birit t'ënt, bashkë me
Shejtin Shpirt t'ënt, nanì e për gjithëmonë e për jetë të
jetëvet.

Amin.

Apolisis

Ai çë deshi të ishë pa gëzuar nga Shën'Janji te lumi i
Jordanit për shëndetën t'ëne, Kr..

Ἡ ὙΠΑΓΟΓΗ



2 TË SHKURTIT

Të përpjekurit T'in'Zoti Iisu Krishtit me Simeonin

Ant. I

Zëmbra jime buroi një fiale e mirë; u i këndonjë Rregjit të bëmat t'ime.

Per parkalesitë...Levdi.. .Nani...

Ant. II

Lithë shpatën t'ënde rrethë ijës s'ate, o i fort, në bukuri e mirësi.

Shpëtona, o i Biri i Perëndis, i kjellur ngrahë nga i drejti Simeon, neve çë të këndojëm Alliluaia.

Lëvdi... nani.. .O i vëtëmi Bir...

Ant. III

Gjekjë, o Bijë, e vërrej e prir veshin t'ënt e harrò popullin t'ënt e shpin e t' it Eti e Rregji do të dishironjë bukurin t'ënde.

Apol.

Gëzou ,o e Hir-plota Mëmë e Perëndis Virgjëreshe: se ngah Ti leu,Dielli i drejtësis Krishti Perëndia jinë çë ndrit atà çë ndodhen në të errët.Bën harè edhe ti,o Plak i drejt,çë more ngrahë Liruesin e shpitravet t'anë'çë jep neve edhè Ngjllien.

Isodikon

Dëftoi in'Zot Shpëtimin e'Tij përpara gjithë popujvet. Shpëtona...

Kont.

O Ti që një gji virgjëror shejtërove me të Lerit t'atë, e duart e Simeonit bekove si kishë hjë, nani jerdhe e shpëtove neve, o Krisht Perëndi. Bierna pakjien në plasëshit ndo luftë, jip fukji kji-verritarvet që Ti do mirë, o i vetëmi njeridashës.

Megalinarion

O Mëma e t'in'Zoti, shpresa e gjithë të krështerëvet, pështrò, ruaj gjithë atà që shpresojën tek Ti. Na te hjeja e të shkruames s' Ligjës që urdhurò: "çedò dialë që del nga gjiri i së jëmës ka t' falet t'in'Zoti" shohiëm një fitire. Andai të Paralindurin e të pazënit AT, FIALËN, që bënet i paralinduri i njëi Mëmie Virgjërë, madhërojëm na.

Kjinonikon

Kjelkjin e shëndeties u dua të marr, e embrin e t'in'Zoti u dua të thërres. Alliluia.

Opistavon

O i Madh'in'Zot, Perëndia jinë, që dërgove te jeta të vetëmin-ler Bir t'ënt e Fialë, ler nga një grua, ler përposhë ligjës, sa të shpëtojë atà që ishën përposhë ligjës, e, për anë të Shpirtit t'ënt, tue paralajmëruar të jardhurit e'Tij Plakut Simeon, dhë ja dëftove kur Ai kle prur te Faltoria, Ti bekò edhë nani, me të shkëlqierit t'atë, neve shëbërtorë t'atë të mëkatruamë, e pritë mirë parkalesitë t'ona, si prite mirë skomollin e Profeteshës Anë. Bënna të narriëm mbë duarë në shpirt Fialën t'ënde bërë njeri, e të jemi bërë na faltore të shejtëruame të Shpirtit t'ënt gjithë i shejt.

Gëzò me fukjin t'ënde të Parët t'anë të besmë, e jipi mundie mbi të ligën, sa edhë brënda neshë të jet lëvduar i madhëruashmi embër jit Ai të të vetëmit-ler Bir t'ënt, e të Shpirtit t'ënt i përmisur e çë jep gjellë, nanì e për gjithëmonë e për jetë të jetëvet. Amin.

Apolisis

Ai çë deshi të ishë marrë mbi duar nga i drejti Simeon për shëndetën t'ënë, Krishti....



25 TË MARSIT

Lajmërimi Zonjës Po-Virgjërë Mëmës e t'in'Zoti

Ant. I

O Perëndi, jip gjikimin t'ënt Rregjit e drejtësin t'ënde të Birit të Rregjit.

Per parkalesitë...Levdi...nani...

Ant. II

Ka të sdripet si shi mbi të korrët, e si pikë çë kullon mbi dheun.

Shpëtona, o i Bir'i Perëndis, o Ti çë nga një Virgjërë more kurm, neve çë të këndojëm. Alliluja.

Levdi... nani... O i vetëmi Bir...

Ant. III

Kat jet bekuar embri i Tij për gjithëmonë.

Apol.

Sot zë fill Shpëtimi jine e dëftonet misteri i përjetëshëm. I Biri i Perëndis bënë Bir i Virgjërëshës e Gabriili Hirin lajmëron. Andai bashkë me atë Mëmës s'Perëndis thomëji: Falem, o e Hir-plota, in'Zot ë me Tij.

Isodikon

Lajmëroni ditë për ditë shpëtimin e Perëndis t'ëne. Shpëtona...

Kont.

Tij, o Kaptenjë luftare kënka të mundies, se më lirove

prej këkjish të fala nderies, u ngrah po Tij kjiteti i jit, em'e të lartit. Pran tue pasur Ti pushtetin e pamëndeshim, po shpëtomë Ti përherë prej rrezikjëvet. Të thërres tek Ti: Të falem Nuse povirgjërë.

Megalinarion

O dhe, lajmërò gëzim të Këndoni, kziej, lëvdin e Perëndis. Si Ark e gjallë e Perëndis, dorë e huaj Kurr t'e ngasnjë; buzë të të besmëvet tue kënduar pa pushim Mëmës s' Perëndis zërin e Ëngjëllit, të thërresiën me harë: falem, o e hir-plota, in'Zot me Tij.


Kjinonikon

Sglodhi in'Zot Sionin e e dishiroi për shpi t'Tij. Alliluia.

Opistavon

O i Madhi'in'Zot, Perëndi i gjithë-mëndëm, çë të pëlkju se Biri jit i vetëmi-ler të mirrëjë mishë nga një Virgjërë e të bënejë njeri për shëndetën t'ënë, e çë dërgove Arkëngjëllin t'ënt Gavriilin sa't'i lajmërojë Shejtes Virgjërë Mëri të Zënit e'Saj pa njohur burrë, të çilin më para se gjithë jetët kishe bërë të' ishë shërbëtori të këtij Misteri të dreruashëm dhà njohur Tij'e Atij, Fiala jote gjithënjë e klënëshme, Ti vet, për parkalesitë e Saja e të gjithë Shejtravet t' atë, lajmërò shpitravet t'anë, paj të Hirit t'ënt, ndëjesën e mëkatëvet e gëzimin i pasosmë. Dhurò pakje mbi popullin t'ënt, e dëftò neve'dhromin, tue jetsur tek i çili, bënemi të mirë për Rregjërìn t'ënde të kjiellëshme.

Paj të lipisis të Krishtit t'ënt me të çilin je bekuar, bashkë me gjithë shejtin, i mirë e çë' jep gjellë Shpirt t'ënt, nanì e për gjithëmonë e për jetë të jetëvet. Amin.



6 TË GUSHTIT

Shperfytrimi i t'in' Zoti Iisù Krishtit

Ant. I

I mathë isht in'Zot e i lëvduashëm shumë te kjiteti i Perëndis, te mali i shejt i'Tij.

Për parkalesitë...Levdi...nani...

Ant. II

Themelet e' Tij te malet të shejt.

Shpëtona, o i Biri i Perëndis, o Ti që te mali i Thaborit u shpërfitërove, neve që të këndojëm Allilùia.

Levdi... nani... O i vetëmi Bir...

Ant. III

Lipisit t'ote, o i Madh'in Zot, ka të këndonjë për gjithëmonë.

Apol.

U shpërfitërove te mali, o Krisht Perendi, tue dëftuar Dsënsëvet t'atë lëvdin t'ënde ashtu si mëndë. Shkrepe edhë mbi ne të mëkatruamit dritën t'ënde të përjetëshme, për lutiet e Mëmës s'Perëndis. O Dritëdhënës, Lëvdi Tij!

Isodikon

Thavori dhe Ermoni do të gëzonen mbi embrin t'ënt...

Kont.

Mbi malin u shpërfitërove, e, për sa mëndë, Dsënsit t'atë, o Krisht Perëndi, patën lëvdin t'ënde; sa, kur të

shohiën vunë n'krikjë, të ndëlgojën se pesimi jit isht i vullneshëm, e t'i ligjërojën jetesë se Ti je me të vërtetë paskjërimi i Atit.

Megalinarion

Nani ndihen shërbise të pagjejura! Zëri i Atit me lëvdi e madhe i bën deshmi të Birit çë leu pa At nga Virgjëresha tue thënë se Ai vet isht Perëndi edhë Njeri per gjithëmonë.

Kjinonikon

Te drita e lëvdës s'fakjes s'ate, o i Madh'in Zot, na do të jetsiëm për gjithëmonë. Allilùia.

Opistavon

O i Madh'in'Zot Iisu'Krisht Perëndia jinë, kjillëna tek i shejti malë të dashuris, si kjelle krietarët e Apostojvet t'atë tek i larti malë; e sbillëna sit e mendies sa mëndë të vërrejëm të parrëfieshmen bukuri, si atire i dëftove të shkëlqjerit e fitirës të kurmit t'ënt me një të llambarisur të jashta-zakonëshëm, tue njohur atà dritën t'ënde të perëndishme paj të kurmit t'ënt.

Kjill edhë neve tek e mira me të drejtën t'ënde e gjithëmëndëme.

Ti çë Fitirën t'ënde të shejte e sbukurove mbi çëdò fialë, bëjë të ndiejëm na zotërin t'ënde çë Moiseu si edhë Elia deshman; e bënna të kujtojëm kurdoherë zërin e të pa-zënit At, çë të thërriti "Bir i dashur"; sa na tue ruajtur urdhurimet t'atë të shkëlqejëm bashkë me atà çë klenë bërë të mirë për Rregjërën t'ënde të pasosme, tue par tek Ti të pa-zërin At t'ënt, me të

çilin, je bekuar bashkë me të gjithëshejtin, i mirë e gjellëdhënës Shpirt t'ënt, nani e për gjithëmonë e për jetë të jetëvet. Amin.

Apolisis

Ai që ndërroi Fitirën e Tjij në lëvdi mbi malin e Thavorit përpara Dsënësëvet e Apostojvet të shejt t'Tij Krishti, Perëndia jine,...

15 TË GUSHTIT

Të flëjturit e të hipurit në kjell e Shën Mëris

Ant. I

Ngrëni zërin të lëvdoni t'ën 'Zonë, o gjithë dheu;
këndoni embrin e 'Tij, nderoni lëvdin e 'Tij.

Për parkalesitë...Levdi...nani...

Ant. II

In ' Zot do diert e Sionit më shumë se gjithë tendat e
Jakòbit.

Shpëtona, o i Biri i Perëndis, i famasëshmë ndër
shejtrat, neve çë të këndojëm Allilùia.

Levdi... nani... O i vetëmi Bir...

Ant. III

Gati ë zëmbra jime, o Perëndi, gati ë zëmbra jime; dua
të këndonjë e të msal te lëvdia jime.

Apol.

Te të lerit Ti e ruajtie virgjërin; te të flëjturit ngë e le
jetën, o Mëma e Perëndis; shkove te gjella Ti çë je
Mëma e gjellës, me lutiet t'ote tue shpërblier nga
vdekjia shpirtrat t'anë.

Kont.

Mëmën e Perëndis të pafllëjturë në lutie, e në mburonjë
shpresë të patundurë, varri e vdekjia ngë e mundën;
se si Mëmë të gjellës, e bëri të shkoj te gjella Ai çë jesi
ne gji të virgjërë, për gjithëmonë.

Megalinarion

Gjithë jinit lumërojën Tij, e vetmia Mëmë e Perëndis. Tek Ti, o Virgjërë e dëlirë, janë mundur ligjët e naturës; Ti linde e Virgjërë kjëndrove e vdekjia paralajmëròn gjellën. O Mëmë e Perëndis, që kjëndrove Virgjërë pas lindies e gjallë pas vdekjies, shpëtò gjithëmonë trazhgimin t'ëntë.

Kjinonikon

Kjelkjin e shëndetëjes u dua të marr, e embrin e t'in Zoti u dua të thërrës. Allilùia.

Opistavon

O Krisht Perëndia jinë, që me mortien Mëmën t'ënde e pa mëkatë nga gjella e shkove te gjella e pasosme, e që atë e sdripurë në varrë të prishëris e bëre më e lartë mbi çëdo fialë, e që për varrëzimin e 'Saj mbjodhe nga gjithë anët e jetës Apostojitë t'atë, Ti vetë nanì, për parkalesitë e 'Saj, gjithë neve që nderojëm mortien e Saj lirona nga çëdò vdekjies mendie e punie, e shpëtona nga çëdo mortie Shpirti, e ruana nga mortia e dishpërimit, si edhë ruana nga varri i pabesëris e nga besa e shtrëmbërë; ruaj edhë të Parët t'anë nga çëdò e ligë; e të gjithë bën-na të mirë për gjellën e pasosme, përçë Ti do sa gjithënjeri të shpëtönen, e Tij të nget çëdò lëvdì, bashkë me Atin të pa zënë fill, e me gjithë shejtin, i mirë e gjellëdhënës Shpirt t'ënt, nanì e për gjithëmonë e për jetë të jetëvet. Amin.



TRIODION
E DIELLIA E PARË TË KRESHMËVET
ORTHODOXIA

Ant. I

In'Zot rregjëron e pështronet me nder të mathë; In'Zot vishet e me fukji rrethonet.

Për parkalesitë...Lëvdi....nani....

Ant. II

Le të lëvdojën t'ën'Zonë per lipisìn e'Tij e për famasmë që ka bër për bijët e njerëzëvet.

Shpëtona...Lëvdi ...nani...O i vetmi....

Ant. III

E lëvdofshin kjielliat e dheu e dejeti e çëdo tundet ndë'të.

Apol.

Fitirës t'ënde e dëlirë i përmisemi o i Mirthë, tue lipur ndëjesën e mëkatëvet t'ona o Krisht Perëndi. Pse Tij të pëlkuje të ishe me kurmin vierrë në Krikjë,sa të liroje neve nga duart e armikut. E tue haristisur Tij thërresiëm: mbllove të gjithë me harë. o Shpëtuesi i jinë, posa jerdhe të liroje jetën.

Kont.

Tij, o kaptenjë, luftare kënka të mundies, se më lirove prej këkjish të falanderies, u ngreh po Tij kjiteti i jit,ëm' e të Lartit. Pran tue pasur Ti pushtetin e pamundëshim, po shpëtomë Ti përherë prej

rrëzikjëvet. Të thërres tek Ti: të falem Nuse Povirgjërë.

Megalinarion

Mbi Tij gëzonet, o e Hir-plota, jeta e tërë! Mbledhia e Ëngjëjvet e jinia e njerëzëvet, o Faltore e shejtëruame, e Parrais i mendshëm, i Vigjëreshavet lëvdim, nga e çila in Zot mori kurm e u bë Dialë, Ai që isht i paramotshmi Perëndia jinë. Se brënda Teje vuri thronin e'Tij. E gjirin t'ënt e bëri më të gjerë se kjielliat. Mbi Tij gëzonet, o e Hir-plota, jeta e tërë! Lëvdi Tij!

Kjinonikon


Lëvdoni t'ën'Zonë ju nga kjielliat, lëvdoni Atë tek më i larti kjiell. Alliluia.

Opistavon

O i Madh'in'Zot, Perëndia jinë, na i priremi mirësis s'ate e thomi: gjekjë parkalesitë e shëbëtorëvet t'atë të mëkatruamë e ëna të arrëjëm të mbarojëm këtë ditë të lume të argjërimin, që Ti na dhuron sa të shejtëronemi me të mirat e dheut e pranë të kemi edhe të mirat të ardhëshme që akjë dishirojëm.

Dçishëna nga vepra të errësirës e kjosna me atò të dritës; dhurona hirin e pendimit të ftetë dhe e parkalesis e përurëshme, ajò që pëlksen Tij.

E të Parët t'anë të besmë, edhe atà me argjërimin e me parkalesin shkëlqefshin për mundësin e këtë për lipisin të të vetëmit-ler Bir t'ënt me të çilin je i bekuar bashkë me Shpirtin Shejt që jep gjellë, nanë e për gjithëmonë e për jetë të jetëvet. Amin!



E DIELLIA E TRE TË KRESHMËVET STAVROPROSKINIS

Ant. I

U dëftua mbi ne drita e fakjies s'ate, o i Madh'in'Zot; i
dhe gëzim zëmbres t'ime.

Per Parkalesitë... Levdi... nani....

Ant. II

Gjithë anët e Botës pane Shëndetën e Perëndis t'ënë.

Shpëtona... Levdi...nani...O i vetmi Bir....

Ant. III

Lartësoni t'ën'Zonë Perëndin t'ënë e përmisij nënkëbies
e këmbëvet të Tij,se Ai isht Shejt.

Apol.

Shpëto, o Zot, popullin t'ënt e bekò trzhgimin t'ënt; jipi
kjiveritarëvet mundie mbi armikjët, e paj të Krikjes
t'ënde ruaj Ti të krështerët t'atë.

Isodikon

Lartësoni t'ën'Zonë Perëndin t'ënë e përmisij nënkëbies
e këmbëvet të Tij,se Ai isht Shejt. Alliluia.

Kont.

Tij, o kaptenjë, ~~liftare~~ kënkë të mundies, se më lirove
prej këkjish të falanderies, u ngreh po Tij kjiteti i jit,
ëm' e të Lartit. Pran tue pasur Ti pushtetin e
pamundëshim, po shpëtomë Ti përherë prej
rrëzikjëvet. Të thërres tek Ti: të falem Nuse Povirgjërë.

Trisajon

Krikjen fènde proskjinisiëm, o i Madh'in'Zot, e Ngjallien t'ènde të shejte lëvdjëm.

Megalinarion

Mbi Tij gëzonet, o e Hirplota, jeta e tërë! Mbledhia e ëngjëjvet e jinia e njerëzëvet, o Faltore e shejtëruame, e Parrais i mëndshën, i Virgjërëshavet lëvdim, nga e çila in' Zot mori kurm e u bë Dialë, Ai çë isht i paramòtshëmi Perëndia jine. Se brënda Teje vuri thronin e 'Tij e gjirin t'ënt e bëri më të gjerë se kjielliat. Mbi Tij gëzonet, o e Hir-plota, jeta e tërë. Lëvdi Tij!

Kjinonikon

U dëftua mbi ne drita e fakjies s'ate, o i Madh'in'Zot; i dhe gëzim zëmbërës t'ime. Alliluia (3)

Ἡ ΒΑΙΦΟΡΑ



TEK E DIELLIA E PALLMIEVET

Ant. I

U dua mire t'ën'Zonë, se Ai gjegjet zërin e luties t'ime.

Per parkalesitë...Levdi....nani..

Ant. II

Pata besë, përandai fola; u kleva shumë i mieruamë.

Shpëtona, o i Biri i Perëndis, o Ti që u uje mbi një polistrë gajdurie, neve që të këndojëm. Alliluaia.

Levdi...nani...O i vetmi Bir....

Ant. III

Lartësoni t'ën'Zonë se isht i mire; se e pasome isht lipisia e'Tij.

Apol.

Ngjallien e të gjithave tue vërtetuar më para se pesimi jit, ngjalle Lazarin së vdekurish, o Krisht Perendi. Andai edhe na si ata djelm, tue kjellur shengjet e mundësis, Tij që munde vdekjien thërresëm: Osanna te më të lartit. I bekuar Ai që vien në embër të t'in'Zoti.

Isodikon

I bekuar Ai që vien në embër të t'in'Zoti. Perendi isht in'Zot,e na u dëftua neve. Shpëtona...

Apol.

Ngjallien e të gjithave tue vërtetuar....

Të varrëzuar me Tij pr'anë të pagëzimit, o Krisht Perëndia jinë, klemë bër të mire për gjellën të pavdekëshme në Ngjallien t'ënde e na me himne këndojmë: Osanna te më të lartit. I bekuar Ai që vien në embër të t'in'Zoti.

Kont.

Në kjiell mbi Thronin, në dhë mbi gajdurin ujur, o Krisht Perëndi, prit mire lëvdit e Ëngjëjvet e himnet e fëmijës që të ulurijën: Bekuar je Ti, që vien të ngrësh Adhamin i rar.

Megalinarion

Perëndi isht in'Zot edhë na u dëftua neve. Kremtoni e me gëzim, ejani madhërojëm Krishtin, me pallmie e me degë tue kënduar himnin, i bekuar Ai që vien në embër të t'in'Zoti, Shpëtuesi jinë.

Kjinonikon

I bekuar Ai që vien në embër të t'in'Zoti. Alliluia.

Opistavon

O Krisht Perëndia jinë, na lëvdojmë të jardhurit t'atë ndër nesh të pa-rrëfieshëm! Se tue pasur kjiellin si thronë e dheun si nën këmbie, ngë përbuze të mirrie mishë nga Shejtia Virgjërë e të leheshe si njeri e të ishe vunë te një grazhdë kafshashë si fëmijë, po edhë të ujeshe mbi një gajdhurë e me hirë të duroje pesime për ne; Ti që je lëvdur si Perëndi me këndime pa të sosurë nga Fukjit e kjiellit, e mëson lusmën e paftesme të këndonjë mbi dhe një këndim i ri: " Përçë nga goja e fëmijës e të atirëve që pin sis merrë lëvdin " e gluhët (belbësonjëse) që ngë flasiën mirë i mëson të këndojnë lëvdin në kjiell e pakjen mbi dhe.

Me atà edhè neve shërbëtorë t'atë të mëkatruamë prit mirë, neve që të këndojëm kënkën e mundësis, Ti që munde mortien, tue thënë: " I bekuar je Ti që vien në embër të t'in'Zoti ",pa lënë lëvdin e t' it Eti e që pameta ka të vishë të bëshë ligjë mbi jetën me drejtësi.

E bëna të mirë të ngjipemi me Tij e të jemi pritur mirë te lëvdia jote tue na sbukuruarë me luftimet mundësorë mbi dishirimet e likjë e tue na kurorëzuar me bukurin e virtutëvet në vent të pallëmievet e të degëvet, sa na me gëzim të' vijëm të përpiekëjëm Tij, që vien në lëvdi në për miekullavet e të bënemi trazhgimëtarë të Rregjërës t'ënde.

Jipi mundie mbi të ligën të Parëvet t'anë të besmë, përçë Ti je i lipisiar e i lëvduashëm,bashkë me Atin t'ënt të pa zënë fill e me gjithë Shejtin, i mirë e që jep gjellë Shpirt t' ënt, nanë e për gjithëmonë e për jëtë të' jetëvet.

Amin!

Apolisis

Ai që deshi të ujejë mbi një polistrë gajdhurie për shëndetën t' ëne, Krishti,..



TE DITA E MADHE E SHEJTE E PASHKËVET

Krishti u ngall. Ai tue vdekur ndridhi vdekjen e shkret
e të vdekurëvet te varret i dha Gjellën e vërtet.

(Tri herë)

U ngrëfshit Perëndia e klofshin shprishur armikjët e
t'Tij e jikëshin përpara fakjes s'tij atà ç'i mbajën mbri.

Ashtù si shduket kamnoi, u shdukëshin; si joset dilla
përpara ziarrit.

Ashtù kanë të humbiën të mëkatruamit përpara
Perëndis; e të drejtit le të gëzonen.

Kjo isht dita që bëri in'Zot: le të gëzonemi e të bëjëm
harè te kjò ditë.

Ant. I

Ngrëni zërin të lëvdoni t'ën'Zonë, o gjithë dheu.

Për parkalesitë të Mëmës t'ënde, o i Madh'in'Zot,
shpëtona.

Lëvdi past...nani....

Ant. II

Perëndia paçit lipisì për ne e na bekofshit; le t'dëftonjë
fakjen e'Tij neve e na paçit lipisì.

Shpëtona, o i Biri i Perëndis, i ngjalluri s'vdekurish,
neve që të këndojëm Alliluia.

Lëvdi...nani...O i vetmi Bir....

Ant. III

U ngrëfshit Perëndia...

Apol.

Krishti u ngall. Ai tue vdekur ndridhi vdekjen e shkret e të vdekurëvet te varret i dha Gjellën e vërtet.

Isodikon

Te mbledhiet bekoni t'ën'Zonë, Perëndin nga burimet e Israelit.

Shpëtona, o i Biri i Perëndis,....

Apol.

Krishti u ngall....

Si grat me Marien, më parë se të'bëj ndriçullë, gjetën gurin e varrit të rogollisur, gjegjën nga Ëngjëlli : Përçë kërkoni ndër të vdekurit si njeri Atë çë jes në dritë të pasosme? Vërreni pëlhurët e varrit. Rridhni e lajmëroni jetës si u ngre i n'Zot tue dhënë vdekje vdekjes, pse Ai ë i biri i Perëndis çë Shpëtoi njerëzin.

Kont.

Ti në varr u sdripe, o i Padekshim, po e munde pushtetin e Pisës e u ngalle si Mundësor, o Krisht Perëndi, Gravet Mirrëprurëse tue thënë: Gëzonij, e Apostojvet t'atë tue dhëruar pakjien, o Ti ç jep të rarëvet Ngjallien.

Megalinarion

Engjëlli i thërrisëj Hir-plotës e Shën Mëri: Moj Virgjërë e dëlirë, po' gëzou, u Të thom, gëzou.

Se jit Bir u ngre tri ditësh nga Varri edhë ngrëjti të

vdekurit. E ju, popuj, harè të bëni! Ndritu,ndritu! Ti
Jerusalim e re, po ndritu, pse lëvdia e t'in'Zoti mbi Tij
u dëftua. Bëj harè e nanì gëzou, Sion! E TI e dëlirë,
Mëma e Perëndis, bëj haidhì te të ngjallurit e Diallyt
t'ënt.

Kjinonikon

Kurmin e Krishtit mirrëni, kroin të pavdekshëm
ngjepsni, Alliluia.

Opistavon

Sot, o Vëllezërë, na dëftonet një ditë e shkëlqieme
edhe gjellëdhënësë: Ngjallia e t'in'Zoti Iisu'Krishti!
Andai sot Klisha e t'in'Zoti mblonet me të besmë.
Shumë vetë nga atà jo vetëm kjellën barrën e
argjërimit, po sot, tue dhezur me kujdes llëmpët, kanë
purë dhurata Rregjit i jetëvet.

Për të ngjallurit e Krishtit, Perëndis t'ëne, gëzonet tërë
gjithësia: kjielli fiellonet me të shkëlqjerit e Perëndis;
bota stoliset, dejeti kjetësonet; tirannët pushojën; të
besmit shumësonen, katekumenjtë marriën dritën,
armikjët bëjën pakjë, të sbierrit priren, mëkatë janë
ndëjerë, klishët gëzonen e Krishti Perëndi isht lëvduar.
Mëmat te krahët e'tire të ndritshmë bien dhureti
Rregjit i jetëvet, jo lule zahari, po Hirin e Shpirtit e të
ndriturëvet të ri.

Andai flijën e të përmisurit t'ënë, të neve priftra të
mierë, prit mirë, o i Madh'in'Zot.

Ëna ndëjesën e mëkatëvet çë këmi burë çë nga
dielmëria jonë njera në plekjëri, si i mirë e dashamirë
çë je, o Perëndia jinë.


Kjivertarëvet t'anë jipi mundie mbi armikjët.

Despotin t'ënë ruaje te Throni i shtrejtë i tij.

Gjithë priftërin dhe popullin mbaji në pakje e një mendie.

Popullin që ndodhet këtù, që isht e trazhgon të marrit pjesë te të gjellëdhënës, të dëlirë, të hjynushmë Misterë:

Ruajie, mbroje, kiji lipisi paj të Po-Vjgjërës Shë 'Mëri, paj të Apostojëvet, përçë Ti je i Ngjialluri së vdekurish e na të japiëm lëvdi Tij : bashkë me të pazënin At e me gjithëshejtin e gjellëdhënësin Shpirt, nani e për gjithëmonë e për jetë të jetëvet.



TEK E DIELLIA E THOMASIT

Ant. I

Ngrëni zërin të lëvdoni t'ën'Zonë, o gjithë dheu.

Për parkalesitë të Mëmës t'ënde, o i Madh'in'Zot, shpëtona.

Lëvdi past...nani....

Ant. II

Perëndia paçit lipisì per ne e na bekoftit; le t'dëftonjë fakjen e'Tij neve e na paçit lipisì.

Shpëtona, o i Biri I Perëndis, i ngjalluri s'vdekurish, neve çë të këndojëm All.

Lëvdi...nani...O i vetmi Bir....

Ant. III

U ngrëfshit Perëndia e klofshin shprishur armikjët e t'Tij e jikëshin përpara fakjes s'tij atà ç'i mbajën mbri.

Apol.

Krishti u ngall. Ai tue vdekur ndridhi vdekjen e shkret e të vdekurëvet te varret i dha Gjellën e vërtet.

Isodikon

Te mbledhiet bekoni t'ën'Zonë, Perëndin nga burimet e Israelit.

Shpëtona, o I Biri I Perëndis,....

Apol.

Krishti u ngall. Ai tue vdekur ndruidhi vdekjen e shkret e të vdekurëvet te varret i dha Gjellën e vërtet.

Megjithëse varri ishë vulosur, Ti gjella dolle jashta, o Krisht Perëndi; e me diert të mbëllime u parakjite përpara Apostojvet, o Ngjallia e gjithëve! Paj t'tire, përtërijna Shpirtin Shejt, përsa e madhe isht lipisia jote.

Kont.

Ti në varr u sdripe, o i Pavdekshim, po e munde pushtetin e Pisès e u ngalle si Mundësor, o Krisht Perëndi, Gravet Mirë-prurëse tue thënë:Gëzonij, e Apostojvet t'atë tue dhëruar pakjien, o Ti çë jep të rarëvet Ngjallien.

Kur Ti, o Krisht Perëndi, me diert të mbëllime hire në mes t'Apostojvet, Thomai me të drejtën e dishiruame të ngisëj shkjiroi brinjën t'ënde, krua gjellie e të thirri: Ti jë i Zoti i jim,Perëndia i jim!

Megalinarion

Engjëlli i thërrisëj Hir-plotës e Shën Mëri: Moj Virgjërë e dëlirë, po' gëzou, u Të thom,gëzou.

Se jit Bir u ngrè tri ditësh nga Varri edhe ngrëjti të vdekurit. E ju,popuj,harè të bëni! Ndritu,ndritu! Ti Jerusalim e re, po ndritu, pse lëvdia e t'in'Zoti mbi Tij u dëftua. Bëj harè e nanì gëzou, Sion! E TI e dëlirë, Mëma e Perëndis, bëj haidhì te të ngjallurit e Diallit t'ënt.

Kjinonikon

Lëvdò, o Jerusalim, t'ën Zonë; këndo Perëndis t'ënt, o Sion. Alliluia.

Apolisis

Ai që shkeli mortien e Thomasin urtësoi, Krishti...



E DIELLIA E MIROFORËVET

Ant. I

Ngrëni zërin të lëvdoni t'ën'Zonë, o gjithë dheu.

Për parkalesitë të Mëmës t'ënde, o i Madh'in'Zot, shpëtona.

Lëvdi past...nani....

Ant. II

Perëndia paçit lipisì për ne e na bekoftit; le t'dëftonjë fakjen e'Tij neve e na paçit lipisì.

Shpëtona, o i Biri i Perëndis, i ngjalluri s'vdekurish, neve çë të këndojëm Alliluaia.

Levdi...nani...O i vetmi Bir....

Ant. III

U ngrëfshit Perëndia...

Apol.

Krishti u ngall. Ai tue vdekur ndridhi vdekjen e shkret e të vdekurëvet te varret i dha Gjellën e vërtet.

Isodikon

Te mbledhiet bekoni t'ën'Zonë, Perëndin nga burimet e Israelit.

Shpëtona, o i Biri i Perëndis,....

Apol.

Kur u sdripe nga vdekjia, o Gjellë e pavdekshme,

atëherë Pisës vdekjen i dhe me të shkëlqierit e Hjynis, Atëherë nga nënshtresat e dheut të vdekurit ngjalle. Gjithë fukjit të larta ëngjëllore po thërresiën: o Gjellëdhënës Krisht, Perëndia jinë, lëvdi Tij.

Bujari Josif Kurmin t'ënt të pangar e sdripi nga Krikja e në pëlhurë të pastrë e pështolli e me aromë te një varr i ri me lip të math e vuri, pò tri ditësh u ngreve, o Zot, tue dhënë jetës të madhen lipisi.

Gravet miroforë një ëngjëll çë rrij përpara varrit i tha: aromët janë të mirë për të vdekuritë; Krishti u dëftua i pangarshëm nga prishëria. Po ulurini: U ngjall in'Zot tue dhënë jetës të madhen lipisi.

Kont.

Ti në varr u sdripe, o i Padekshim, po e munde pushtetin e Pisës e u ngalle si Mundësor, o Krisht Perëndi, Gravet Mirrëprurëse tue thënë: Gëzonij, e Apostojvet t'atë tue dhëruar pakjien, o Ti ç jep të rarëvet Ngjallien.

Tue thënë "Gëzonij" Miroforëvet bëre të sosëj vajtimi i të parës mëmë Evës me të ngjallurit t'at, o Krisht Perëndi. E Apostojvet t'atë urdhurove të ligjërojën: "U ngre nga varri Shpëtuesi!".

Oh! Sa në Krisht u pagëzuatë, me Krishtin ju veshët.
Alliluia.

Megalinarion

Engjëlli i thërrisëj Hir-plotës e Shën Mëri: Moj Virgjërë e dëlirë, po' gëzou, u Të thom, gëzou.

Se jit Bir u ngre tri ditësh nga Varri edhè ngrëjti të vdekurit. E ju, popuj, harè të bëni! Ndritu, ndritu! Ti Jerusalim e re, po ndritu, pse lëvdia e t'in'Zoti mbi Tij u dëftua. Bëj harè e nani gëzou, Sion! E TI e dëlirë, Mëma e Perëndis, bëj haidhì te të ngjallurit e Diallit t'ënt.

Kjinonikon

Kurmin e Krishtit mirrëni, kroit të pavdekshëm ngjepsni, Alliluia.



TE DITA E TË HIPURIT NË KJIELL TË T'IN'ZOTI

Ant. I

O ju të gjithë popujitë, kësini duart; ngrëni zërin
Perëndis me zërë hareje.

Për parkalesitë.... Lëvdi...nani...

Ant. II

I mathë isht in'Zot e i lëvduashëm shumë te kjiteti i
Perëndis, te mali i shejt i'Tij.

Shpëtona, o i Biri i Perëndis, çë ngak na u ngjipe në
kjiell me lëvdi, neve çë të këndojëm Allilùia.

Lëvdi...nani...O i vetmi Bir....

Ant. III

Gjegjëni këtë, o ju të gjithë pòpujitë; mirrëni veshë, o
ju të gjithë, çë jesni në jetë.

Apol.

U ngrëjite në lëvdi, o Krisht Perëndia jinë, edhë gëzove
dsënësit me të taksurën e Shpirtit Shejt, tue i
vërtetuar me bekimin, se Ti je i Biri i Perëndis,
Shpërblimtari i jetës.

Isodikon

U ngjip Perëndia ndër thirma gëzimi; in'Zot ndër të rar
trumbetie. Shpëtona, o i Biri i Perëndis, çë ngak na u
ngjipe në kjiell me lëvdi, neve çë të këndojëm Allilùia.

Kont.

Kur për gjithë ne mbarove urdhurimin e përbashkove

dheun me kjielliën, u ngjipe në lëvdì, o Krisht Perëndia jinë, pa u ndar mosgjakùn ngak na, po tue kjëndruar i pandarshëm, e tue thënë atireve që të duan mirë: U jam bashkë me ju, e mosnjeri isht kundra jush.

Megalinarion

Tij, që me viersh i pandëlguashëm u bëre Mëma e t'in Zoti e që linde në mot të pamõtshmin, na të besmë gjithënjëibashku madhërojëm.

Kjinonikon

U ngjip Perëndia ndër thirma gëzimi; in'Zot ndër të rar trumbetie. Allilùia.

Opistavon

O i Madh ' in ' Zot, ngrè mendimet t' anë ndaj Kjielliës, neve që i përmisemi Fukjis t'ënde, e nga përkujdeset e dheut rrrarë mendien t'ënë tek Ti, që naturën t'ënë të përurjme e ngrëjte tek Ti, dhe e bëre të ujej tek e Drejta e të Lartit At. E bënna të mirë" sa na, që nani jemi te jeta, të rrojëm si kurse jemi në kjiell tue kërkuar vetëm të sipërmet tekù TI je ujur te ana e drejtë të Perëndis, e të presiëm të jardhurit t'atë pameta të lëvduashëm e të dreruashëm, si Ti për anë të Engjëjëvet i the të' lumëvet Apostoj, që të panë të ngjipeshe në kjiell.

E vurna bashkë te numeri të atireve, që në për mjekullavet ka të vijën të të përpikëjën Tij kur të vishë të gjëkosh jetën në drejtësi, sa bashkë me atà për gjithëmonë të gëzonemi tue trazhguar ëmbëlsin t'ënde me pëlqjimin e mirësin të Atit t' ënt të pa zënë fill, me të çilin Ti je i bekuar e i lëvduar bashkë me gjithë Shejtin, i mirë e që jep gjellë Shpirt t'ënt, nani e për gjithëmonë e për jetë të jetëvet. Amin!

Apolisis

Ai që u hip në lëvdi të kjiellia e rri ujur te ana e drejtë
të t'Jatit, Krishti...



TEK E DIELLIA E PENDEKOSTES

Ant. I

Kjielliat rrëfiejën lëvdin e Perëndis e kjëndresa dëfton punën e duarvet t'Tij.

Për parkalesitë... Lëvdì... nani...

Ant. II

Të gjegjëshit in'Zot te dita e helmit e të ruashit embri i Perëndis s'Jakobit.

Shpëtona, o Ngushëllimtar i mirë, neve çë të këndojëm Allilùia.

Lëvdì... nani... O i vetmi Bir...

Ant. III

O i madh'in'Zot, Rregji do t'gëzonet te fukjia jote; harë të madhë do t'ket te shëndetia jote.

Apol.

I bekuar je, o Krisht Perëndia jinë, Ti çë të dishmë pishkëtarët dëftove, tue dërguar mbi atà Shpirtin Shejt e me atà gjithë jetën zure në rrietë. O ti çë do mirë njerëzitë, lëvdì Tij.

Isodikon

Lartësou, o i madh'in Zot, me pushtetin t'ënt. Na do t'këndojëm e të msaliëm fukjìt t'ote. Shpëtona, o Ngushëllimtar i mirë, neve çë të këndojëm Allilùia.

Kont.

Kur i Larti u sdrip e përziejti gluhët, ndajti gjindet; kur dhuroi gluhët ziari, i thërriti të gjithë në bashkim e na gjithënjëzë lëvdojëm gjithëshejtin Shpirt.

Trisajon

Oh sa në Krisht u pagzuat, me Krishtin u veshët.
Allilùia.

Megal.

Ti çë pa njohur burrë zure në gji e çë i dhe mishë
Fialës çë bëri gjërkjishë, o Mëm'e pangar, o Virgjërë
Mëmë të Perëndis, vent të të Pasosmit, Arkë të
t'Madhit Stisor t'ënt, Tij na madhërojëm.

Kjinonikon

Shpirti jit i mirë ka të më helkjënjë te dhromi i drejt.
Allilùia.

Opistavon

O Zoti Krisht, Ti çë deshe se pas pesimevet t'atë e të
ngjallurit, të hipeshe te kjielliat, çë Ti uje sa të leheshe
për ne nga Virgjëra, nani Ti sdripe sa të vërtetoshë të
taksurën t'ënde në dhet, tue frimëzuar Shpirtin Shejt
Dsënësvet t'atë, sa të rrijturit e 'Tij të shejtëe të
patundëshëm ndë'atà e pr'anë t' t'ire ndë'atà çë tek Ti
kanë besë të mfortësonjë Klishën me dhuretit të
mëdhà të 'Tij.

Mos llargò ngak na Hirin e 'Tij, përçë jemi të varruarë
nga mëkata, pò jip mortë çëdo mendimi mishi çë ë ndë
ne e çë ndalòn të jardhurit e 'Tij ndë ne.

Përzë ngak na çëdò të menduar, të folë, të bërë, çë e

dishpëlkjen e çedò dishirim të ndyemë çë trazon dhe
errëson shpirtrat t'anë me të u lipsurit Drita e 'Tij.

Benna putçerë të dëlirë të lëvdis s'Tij tue i glarë Sionit
të sipërmë të plotë me dritën e Tij.

Bën-na thronë të ziarrit t'Tij shpirtullor, neve çë
kërkojëm t'i glasiëm Apostojvet çë të pritën të parën
herë sa na, të mfortësuarë nga Ai, të jemi drejtëruarë
nga Ai ndaj dheut e të pavdekëshmes dhe e lume të
taksurë, tekù isht vendi i gjithë atireve çë të
trashgojën e pa u lodhurë të' lëvdojën.

Përçë Ti je i lëvdushëm bashkë me të pazënin At e me
gjithë shejtin e gjellëdhënës Shpirt, nanì e për
gjithëmonë e për jetë të jetëvet.

Amin.

Apolisis

Ai çë dërgoi nga kjiellia në pamie gluhë ziarrì Shpirtin
Shejt mbi dzënsit e Apostojit e' Tij të shejt, Krishti
Perëndia...

Apolisis del Vespro

Ai çë përuji Vetëhen e 'Tij e çë dolli nga gjiri i Atit e Pe-
rëndi, e çë u sdrip mbi dhe nga kjiellia e çë mori gjithë
naturën t'ënë dhe e shejtëroi, e çë pastaj, si u ngjip
pameta te kjiellia dhe u ujë' te ana e drejt të t'Jatit e
Perëndi, dërgoi Shpirtin Shejt, gjithë një i klënëshëm,
gjithë një i fukjishëm, gjithë një i lëvduashëm, gjithë
një i pasosmë, mbi Dsënësit dhe Apostoj t'Tij, të shejt,
dhe paj të Tji i dhà dritë atireve, e paj të Tire gjithë

jetës, KRISHTI Perëndia jinë i vërtetë, për parkalesitë e gjithë shejtes Mëmës s'Tij e pamëkatë, e paj të Shejtit Apostoj mnematoforë, të lëvduashëmë, të nderuashëm e lajmëtarë të Perëndis, si edhe me parkalesitë të gjithë Shejtravet, na paçit lëpisi e na shpëtofshit, si i mirë e çë njeriun do mirë.

Amin.